

Un 'otro' Calvin Maduro ta raportá e siman aki serca Leones de Caracas

CARACAS- Leones di Caracas ta presentá su refuerzo nobo pa e campeonato di invierno Venezolano e siman aki, ora cu e lanzador Arubiano, Calvin Maduro raportá na e organizacion di e capital di Caracas.

Contrario na e ocasion anterior, e temporada aki Calvin su yegada ta motibo di mas publicidad ya cu su campaña cu Orioles di Baltimore tabata uno mucho mas efectivo cu e temporada cu el a pasa cu Phillies di Philadelphia.

Principalmente e ultimo actuacionnan di Maduro a acapará atencion di diferente scout y gerentenan di ekiponan cu tin campeonato di invierno y Leones de Caracas ta confia cu e biaha aki, nan lo goza di e abilidadnan di Calvin kende tin mucho mas experiencia y tin mucho mas efectividad cu su

actuacionnan anterior.

Un publicacion cu a sali den EL NACIONAL di ayera 31 di October, ta presta hopi atencion na e lanzador Arubiano, caminda expectativanan pa su presentacion ta grandi.

Ta ser enfatizá den e articulo aki cu Calvin Maduro a gana cinco wega y perde seis cu Orioles mientras cu el a termina cu efectividad di 4.23 di careda limpi permiti.

Su actuacion den Liganan Grandi a produci un record di 8-14 cu efectividad di 5.84 den 203.1 inningi di actuacion entre Philadelphia Phillies y Baltimore Orioles.

Leones ta mira dne Calvin Maduro e lanzador cu mester guia e staff di pitcheo cu lo hiba e popular ekipo aki pa clasificacion pa e bueltanan semifinal.

